

Мол ва умр ҳирси | Сийрат дарслари (363-дарс)



19:00 / 23 январь 595

841. Анас ибн Молик розияллоҳу анҳудан ривоят қилинади:

Расулуллоҳ соллаллоҳу алайҳи васаллам: «**Одам боласи қарийди. Ундаги икки нарса эса ёшлигидагича қолади: молнинг ҳирси ва умрнинг ҳирси**», дедилар».

Бухорий ва Муслим ривоят қилишган.

842. Каъб ибн Молик розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: «**Кишининг мол-дунё ва шуҳратга бўлган ҳирси унинг дини учун қўйлар ичига қўйиб юборилган икки оч бўридан ҳам ёмондир**», дедилар».

Термизий ва Ибн Ҳиббон ривоят қилишган.

843. Ибн Зубайр розияллоҳу анҳумодан ривоят қилинади:

«У Маккада минбарда туриб хутба қилди: «Ҳой одамлар! Набий соллаллоҳу алайҳи васаллам айтардилар: «Агар одам боласига водий тўла тилло берилса, иккинчисини истайди. Агар иккинчисини ҳам берилса, учинчисини истайди. Одам боласининг қорнини тупроқдан бошқа тўлдиролмайди. Ва Аллоҳ тавба қилганнинг тавбасини қабул қилади».

Бухорий ривоят қилган.

844. Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам айтдилар: «Аллоҳ азза ва жалла айтади: «Одам боласи замонни сўкади. Ҳолбуки, замон Менман. Кеча ва кундуз Менинг қўлимда».

Бухорий ривоят қилган.

Бошқа ривоятда: **«Туни ва кунини айлантриб тураман. Истаганимда қабз қиламан»**, дейилган.

Бухорий ва Муслим ривоят қилишган.

Яна бошқасида: **«Аллоҳ азза ва жалла деди: «Одам боласи Менга озор беради. Замоннинг дастидан дод, дейди. Бирортангиз замоннинг дастидан дод демасин. Замон Менман. Унинг туни ва кунини айлантриб тураман. Истаганимда қабз қиламан»**, дейилган.

Муслим ривоят қилган.

«Расулуллоҳ соллаллоҳу алайҳи васаллам» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хулосаси асосида чоп этилган.